

Angajoqqaanut

Paaqqinnittarfiit atuarfiillu tunngaviliiviit ammaqqinneri

Peqqinnissamik Aqutsisoqarfik innuttaasunut tamanut allakkamik nassiussivoq, 2007-imi januaarip 1-ta malitsigisaanik meeqqanut akisussaanertut oqartussaasutullu allattoreqarsimasunut.

COVID-19-imut ataatsimoorluta akiuinerput iluatsittutut isikkoqarpoq. Tamanna isumaqarpoq, Danmarkimi inuiaqatigiit ilaanni annikinnerusumik nakkutigineqartumillu ammariartuaartoqarsinnaasoq. Ammaasoqarnissaanut alloriarneq siulleq piareersimaffigaarput, taamaammat poorskip kingorna meerarpassuit inuusuttorpasuillu atuariartortinneqarsinnaallutillu paaqqinnittarfiliartinneqarsinnaassapput.

Nappaalanersuaqartoqarnerani aarlerinartumik suli inissisimavugut. Inuiaqatigiinni tunillaassuunneq pinngitsuitsissinnaangilarput, aamma paaqqinnittarfinni atuarfinnilu. Kisianni tunillaassuunneq ajortumik annertusiartoqqilissanngippat, sukannersumik maleruaqqusineq pisariaqarpoq. Tuniluuttumut suli immitsinnut illersortariaqarpugut. Ileqquliussimasagut nutaat attatiinnassavagut. Suli immitsinnut pallinnaveersaarlutalu ungasillisimaassaagut, sulilu aamma errorluakulallutalu eqqiluisaarlussaagut. Malunginiassavagut nappaammut ersiutit qisuariaateqarfingissallugillu.

Tamanna, meeqqanut pissutsinik nutaanik kinguneqassaaq. Ulluinnarisaq, meeqqatta atuarfianni paaqqinnittarfiinilu, naliginnaasumik ilisimasarput, sungiusimasatsinnit allaanerulissaaq. Coronavirusip nutaap siammatsaalinissaa pillugu suliniuterpaaluit atuutsilernerisigut. Meeqqat assersuutingalugu, silamiinnerusalissapput, meeqqat qanittumik amerlavallaat ataatsimooqqusaassanngillat, naliginnarmik sungiusimasatsinniit.

Tamatta ataatsimut akisussaaffeqarlutalu pisussaaffeqarpugut, inuiaqatigiit ammaqqinnissaat iluatsissangutsigu, taamaammat ilaqutariinnit tamanit tamanna peqataaffigineqarnissaa pisariaqarpoq.

Ernumassuteqaruit ilinnut qanigisatilluunnit

Inuppassuit coronavirusimik nappaalanersuaqartoqarnera ernumassutigaat. Tamannalu tamatsinnut sunniuteqarpoq. Naliginnaavoq stressernerulernermik ernumassuteqarnerulernermillu misigisimaneq, taamaammat pingaaruteqarpoq, imminut immitsinnullu paarilluarnissarput.

Coronavirusimik tunillatsittut annerpaartaasa annikitsumik atussavaat. Sualummik meeqqat inuusuttullu. Pingaaruteqarpoq meeqqat inuusuttullu pillugit misilittakkat malillugit annertunerusumik tunillaassortumik pilersuinngimmata.

Ernumassutigingukku meeqqat paaqqinnittarfiliaannissaanut atuarfiliannissaanulluunnit, pingaaruteqarpoq, paaqqinnittarfimmi atuarfimmiluunnit aqutsisut tamanna pillugu oqaloqatiginissaat.

Meeqqat ernumassuteqarpat apeqqutissaqarpalluunnit, pingaaruteqarpoq, meeqqavit ernumassutai pillugit oqaloqatiginissaa. Peqqinnissamik Aqutsisoqarfiup Børns Vilkår (Meeqqanut Pissutsit) suleqatingalugu siunnersuutinik sisamanik pitsaasunik isinginnaagassiaq saqqummersissimavaa, taassumalu imaraa coronavirusi pillugu meeqqat qanoq oqaluunnissaannut siunnersuutit. Isinginnaagassiaq uani nassaasisinnaavat [www.sst.dk/da/Udgivelser/2020/ Film-om-coronavirus](http://www.sst.dk/da/Udgivelser/2020/Film-om-coronavirus)

Peqqinnissamik Aqutsisoqarfiup isinginnaagassiarpaaluit allat aamma suliarisimavai, coronavirusi pillugu meeqqanut tulluarsakkamik oqaluttuartut, qanoq pinnguaqatigiittarnissaq, qanorlu aamma katerisimaaqatigiittoqartalernissaa pillugu – taakkua angajoqqaatut meerarnut atorlugit takutissinnaavatit. Uani nassaarineqarsinnaapput www.sst.dk/corona

Peqqinnissamik Aqutsisoqarfiup tamanut naliginnaasumik siunnersuutai:

- **Peqqikkuit** – imminut illersorit allat illersorniarlugit
- **Assat errortarnissaat aammalu spittertarnissaat pillugit siunnersuutit malikkit**, qajassuussigit, timalimmik atassuteqarnerit katerisimaaqatigiinnikkullu sammisaqartarnerit killilikkit.
- **Quersoruit, kiaqalaaruit imaluunnit nuakkuit** – angerlarsimaannarit, aaqqinnissavit tungaanut
- **Qaniginerpaasatit ungasillisimaakkit**, angerlarsimaffiullu avataani allat attavinginaveersaarlugit.
- **Anersaartorluarsinnaanngikkuit, ersiutitilluunnit ajorsiaartorpata imaluunnit ullut arlerlugit napparsimaguit** – nakorsarisat sianerfigiuk. Utaqqisarfirmut ornigutitsinnat sianeqqaarnissat pingaaruteqarpoq, allanik tunillaasinnaagavit.

Siunnersuutit pitsaasut

Peqqinnissamik Aqutsisoqarfiup siunnersuutit pitsaasut assigiinngitsut suliarisimavai, angajoqqaatut qanoq isiorsinnaanerit pillugu, meeqqavit pissutsini nutaani paaqqinnittarfimmi atuarfimmilu aallarteqqilerpat iliuuserisinnaasassinnik.

Ataatungaani nassaariuk:

Angajoqqaanut paaqqinnittarfinniittartunik meeralinnut siunnersuutit pitsaasut Angajoqqaanut atuarfinni tunngaviliivinni 0.-5. klassini meeralinnut siunnersuutit pitsaasut

Paasissutissat nutaanerit malinnaavigiuarsinnaavatit uani sst.dk/corona. Ulloq unnuarlu oqartussanut ataatsimoorussamik sianerfissaq attavigiuk uunga oqarasuaat **70 20 02 33**.

Information in English available at sst.dk/corona-eng. Selected materials in other languages via publication list: sst.dk/coronamaterialer

Coronavirusi nutaaq tunillaakkajuttarpoq piffinni inunnik amerlasuunik ataatsimoorfiusartuni soorlu assamminnikkut kuseriarneeqqatigullu quersornermit tangajornermiillu pisumik. Imminut illersorit allallu illersorlugit siunnersuutit pitsaasut ukua malinnerisigut.

- Assatit errukulakkit – imaluunnit assanut spritti atortaruk
- Talinnut quersorit imaluunnut tangajorit - assannuunngitsoq
- Assamminnaveersaarit, ersakkut kunissinaveersaarit, eqitaarinaveersaarit – timitalimmik atassuteqarneq killileruk
- Eqqiaasarnissat eqqumaffigiuk
- Ungasillisimaarit – allat qajassuusseqqullugit qinnuigikkitt

Uani takuuk, coronavirusimut/COVID-19-imut imminut allallu aamma illersorsinnaajumallugit, qanoq illit meeqqatillu assasi errorluarsinnaanerlusigit.

Tunillatsiasut

Meeqqat amerlanerpaartaat immikkut aarlerinaateqanngillat. Meeqqat tunillatsiasut ilangippatigit, angajoqqaatut taava paaqqinnittarfimmi atuarfimmiluunnit aqutsisut oqaloqatigissavatit, immikkut ittumik paaqqinnittarfiliaqqinnissaa atuarfiliqqinnissaaalu nalilerneqaqqullugu. Naliliinermi tunngavigineqarsinnaapput, peqqinnissap tungaatigut isumatusaarnerunersoq, meeqqap paaqqinnittarfiliartaleqqinnissaa atuarfiliarteqqinnissaaaluunnit pillugit.

Tunillatsiasunut nassuiaatit uani nassaarikkit

<https://www.sst.dk/da/corona/Saerlige-risikogrupper>

Meeraq inoqutigiinni inummik tunillatsiasumik, najungaqateqarpat, tunngaviusumik meeraq paaqqinnittarfiliartinneqarsinnaallunilu atuariatortinneqarsinnaavoq. Kisianni immikkut ittumik pisoqartillugu qanigisat ilaanni napparsimasoqarpat, naliliiffigineqarsinnaavoq meeraq paaqqinnittarfiliassanngitsoq imaluunnit atuariatussanngitsoq. Nalornissuteqaruit meeqqat immikkut ittumik tunillatsiasuunersoq, imaluunnit siunnersorneqarnissat pisariaqartikkukku,

Brev fra Sundhedsstyrelsen vedr. opstart af skole (0.-5. klasse) og dagtilbud //

Peqqinnissamik aqutsisoqarfimmit atuarfiit (0.-5. klassit) paaqqinnittarfiillu ammaqinnissaat pillugit allagaq

innersuutigaarput, nakorsarisavit attaviginissaa.

Siunnersuutit ukua malinnerisigut, coronavirusimik nutaamik tunillaaneq annikillinissaanut peqataasinnaavutit



Angajoqqaanut ulluunerani paaqqinnittarfinniittartunik meeraalinnut siunnersuutit pitsaasut

Siunnersuutit ukua malinnerisigut, coronavirusimik nutaamik tunillaanneq annikillinissaanut peqataasinnaavutit.

- Ajornanngippat, meeqqat meeqqeriviup isertarfiata silataani tunniuguk.
- Meeqqat tunniunnerani aaneranilu, meeqqat inersimasullu allat pallinnaveersaarsigit. Ungasillisimaarnissarsi isumannaaruk.
- Ullaakkut aninnginnissinni meeqqavit assami errortarnissai isumagiuk. Ualikkut angerlamut apuukkaangass, tamanna aamma isumagisaruk.
- Meeqqavit assami qanoq errortarnissai ilinniartiluguk, sapinnngisamillu, eqqiluisaarnissamut pallinnaveersaarnissatsinnullu aamma siunnersuutit naliginnaasut qanoq isiornikkut pitinnissaat oqaloqatingalugu.
- Meeqqavit atisianik nassarnissaa inumagiuk, ulloq silami atorneqarsinnaaqullugu. Tarngut seqinermut illersuutitalik silangitsillugu eqqaamasaruk.
- Angerlarsimaffimmit pinnguanik nassartoqassanngilaq.
- Meeqqat nerisassanik avitseqateqassanngilaq. Assersuutingalugu inuuissiortoqartillugu nerisassanik avitassanik tunioraasoqassanngilaq.
- Peqqinnissamik Aqutsisoqarfup meeqqanut sunngiffimmilu pinnguaqatigiinnissamut isumaqatigiissutit pillugit maleruaqqusai malissigit. Meeqqat taakkuujuaannartillugit isumaqatigiissuteqartaritsi, meeqqavit paaqqinnittarfimmi eqimattani peqatigisaanik.
- Maluginiaqqissaarsiuk, meeqqat nappaammut ersiuteqarnersoq – minnerpaamilluunit ersiuteqarpat, angerlarsimatiinnaruk. Meeqqat paaqqinnittarfimmut aatsaat utersinnaavoq akunnerni 48-ni nappaammut ersiutinik takussutissaataarussimalerpat.
- Napparsimaguit, angerlarsimaannarit, meeqqat paaqqinnittarfimmut nammineq tunniukkiartornagulu aamma aassanngilat.
- Meeqqat paaqqinnittarfimmi napparsimalissappat, piaarnerpaamik meeqqat aajuk.

Ilaqtariinnut meerartalinnut coronavirusi nutaaq pillugu uani paasisaqarnerugit
www.sst.dk/coronasmitte

Angajoqqaanut 0.-5. klassimi atuartuutilinnut siunnersuutit pitsaasut

Siunnersuutit ukua malinnerisigut, coronavirusimik nutaamik tunillaaneq annikillinissaanut peqataasinnaavutit.

- Meeqqat oqaloqatigiuk, tunillatsinnginnissaq pillugu qanoq imminut illersortoqarsinnaanersoq allallu aamma qanoq illersorsinnaaneriniq.
- Meeqqat oqaluttuutiguk, paaqqinnittarfiit atuarfiillu ammarpata ulluinnaat allanngorsimassasut, immitsinnut sissuernikkut sulii siammatsaaliisoqartariaqarmat.
- Meeqqat qinnuigiuk atuarfimmu pigaangami siullertut assami errortarnissai. Taamatullu aamma siullertut ualikkut angerlaraangami pisarnissaa.
- Meeqqat ilinniartigiuk qanoq assami errortarnissaat takutillugu, oqaloqatingalugulu eqqiluisaarnissamut ungasillisimaarnissamullu siunnersuutit naliginnaasut qanoq malinneqartassanersut.
- Meeqqat atuarfiup silataanut tunniukkiartorlugulu aasaruk. Inuppassuit pallinnaveersaartarsigit, soorlu isaarissami. Ungasillisimaaritsi.
- Meeqqat atisassamaasertaruk, atuarfimmi paaqqinnittarfimmilu ullup annerpaartaa silami atorreqarsinnaaqullugu. Tarnгут seqinermut illersuutitalik silangitsillugu eqqaamasaruk.
- Meeqqat nerisassanik avitseqateqassanngilaq. Assersuutingalugu inuuissiortoqartillugu nerisassanik avitassanik tunioraasoqassanngilaq.
- Meeqqavit atortorissaarutai elektroniskiusut (oqarasuaat angallattagaq, tablet-i, qarasaasiarlul) salittakkut. Meeqqat qinnuigiuk taakkunanga avitseqateqartannginnissaa.
- Peqqinnissamut Aqutsisoqarfiup meeqqat sunngiffimmilu pinnguaqatigiinnissamut innersuussutit pillugit innersuussutai malikkut. Meeqqat taakkujuuaannarlik, atuaqataanit ikittunnguakkuutaartillugit.
- Maluginiaqqissaarsiuk, meeqqat nappaammut ersiuteqarnerseq – minnerpaamilluunit ersiuteqarpat, angerlarsimatiinnaruk. Meeqqat atuarfimmu aatsaat utersinnaavoq akunnerni 48-ni nappaammut ersiutinik takussutissaataarussimalerpat.
- Napparsimaguit, angerlarsimaannarit, meeqqat paaqqinnittarfimmu nammineq tunniukkiartornagulu aamma aassanngilat .
- Meeqqat atuarfimmi paaqqinnittarfimmiluunit napparsimalissappat, piaarnerpaamik meeqqat aajuk
- Meeqqavit tarnikkut/sianissutsikkut qanoq issusaa maluginiaruk aperalugulu ernumassuteqarnerseq.

Ilaqutariinnut meerartalinnut coronavirusi nutaaq pillugu uani paasisaqarnerugit

www.sst.dk/coronasmitte